

malè affectum. Vnde eligi non debet ad tale munus subeundum qui sibi summit-honorem, sed qui vocatur à Deo tanquam Aaron.

CONFESSOR.

¶ Circa hanc materiam hoc ordine procedam. Primo notabilia præferam. Secundo dubia utcunq; absoluã. Et tertio facultates & priuilegia concessa ordinũ Mendicantium confessoribus, per conclusiones explicabo.

¶ Notãdum est primo, q̄ vt constat ex perpetua Ecclesiæ traditione ab Apostolis vsq; in præsens seruata, quam etiam recenset simulq; approbat Sacra Tridentina Synodus, Sessione. 14. cap. 7. ad absoluẽdum aliquem a peccatis duplex potestas ex parte Sacerdotis requiritur. Altera dicitur potestas Ordinis altera vero iurisdictionis. Quarum si altera desit, omnino nihil fit in peccatorum absolute. Potestas Ordinis etiam distinguitur dupliciter, in potestatis Clauem, & in Clauem sciẽtię. Clavis potestas est auctoritas siue potentia collata in Sacramento Ordinis ad absoluẽdum & remittendũ peccata. Cla-
uis